





2055



唐詩紀事
六





Inches

Centimetres

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007



唐詩紀事卷第二十三

司馬退之 吳筠

蘇廣文

尉廷臣

王諲

陳希烈

高適

張彪

張子容

李之芳


崔或

孟浩然

岑參

司馬退之

洗心詩云不踐名利道始覺塵土腥不味稻粱食始覺神骨清羅浮奔走外日月無短明山瘦松亦勁鸚老飛更輕道遙此中客翠髮留長生草木多古色鷄大無新聲君有出俗志不貪英雄名傲然脫冠帶改



換人間情去矣丹霄步向曉雲冥冥 退之道士

吳筠

筠字正節華陽人舉進士不第天寶初請隸道士籍
玄宗命待詔翰林高力士善浮屠乃短筠於帝筠懇
還嵩山大曆中死會稽剡中弟子私謚宗玄先生筠
見惡於力士而斥故文章深詆釋氏所善孔巢父李
白歌詩略相甲乙事潘師正學鍊養術天寶初遊會
稽與李白隱剡中赴闕薦白俱待詔翰林

覽古十四首云聖人重開濟明道欲救時孔席不暇
暖墨突何嘗緇興言振頽綱將以有所維君臣恣淫

惑風俗日周衰三代業遽隕七雄遂交馳庶物墜塗
炭區中若焚絲秦皇燎儒術方冊靡不遺大漢歷五
葉斯文復崇推乃驗經籍道與世屯同夷弛張固天
意設教安能持

棟宇代巢穴其來自三皇跡生固爲累經始增百王
瑤臺旣滅夏瓊室復殞商覆車世不悟秦氏興阿房
繼踵迷反正漢家崇建章力役弊萬人瓌竒殫八方
狗志仍未極促齡已云亡侈靡竟何在荆榛生廟堂
吾觀采苓什復感青蠅詩讒佞亂忠孝古今同所悲
姦邪起譖害骨肉相殘夷漢儲殞江充晉嗣滅驪姬

天性猶可問君臣固其宜子胥烹吳鼎文種斷越鉞
屈原沉湘流厥戚咸自貽何不若范蠡扁舟無還期
魯侯祈正術尼父從棄捐漢主思英雄賈生被排遷
始皇重韓子及覩乃不然漢武喜相如既徵復忘賢
遺遠世咸爾賤今理共然方知古來主難以效當年
食其昔未偶落魄爲狂生一朝君臣契雄辯何縱橫
運籌康漢業憑軼下齊城旣以智所達還爲智所烹
豈若終賤貧酣歌本無營

晁錯抱遠策爲君納良規削彼諸侯權永用得所宜
姦臣負舊隙乘翼謀相危世主竟不辨身戮宗且夷

漢景稱欽明濫罰猶如斯比干與龍逢殘害何足悲
絳侯成大績賞厚位乃尊一朝對獄吏榮辱安可論
蘇生佩六印奕奕爲殃源主父食五鼎昭昭成禍根
李斯佐二辟巨釁鍾其門霍孟翼三后伊戚及後昆
天人忌盈滿茲理固未存方知得意者何必乘朱轎
滅景栖遠壑絃歌對清樽三跡返海濱將翊歸林園
蕭灑去物累此謀誠足敦

聖人垂大訓奧義不苟設天道殃頑兇神明佑懿哲
斯言猶影響安得復回穴鮫賧誕英眷唐虞育昏孽
盜跖何延期顏生乃短折魯隱全克讓禍機遂著結

楚穆肆巨逆福柄奚赫烈田常弑其主作國久罔錄
管仲存霸功世祀成詭說漢氏方版蕩群閹恣邪譎
蹇蹇陳蕃徒孜孜抗忠節誓期區宇靜爰使兇醜絕
謀協事靡從俄而返誅滅古來若茲類紛擾難盡列
道遐理微茫誰爲我昭晰吾將詢上帝寥廓詎躋徹
已矣勿用言忘懷庶自悅古意

蘇廣文

自商山宿陶令隱居云聞道花源堪避秦尋幽數日
不逢人烟霞洞裏無雞犬風雨林中有鬼神黃公庭
下三芝秀陶令門前五柳春醉卧白雲閑入夢不知

何物是吾身

夜歸華川因寄幕府云山村寥落野人稀竹裏衡門
掩翠微溪路夜隨明月入亭臯春伴白雲歸嵇康懶
慢仍耽酒范蠡遁逃又拂衣汀畔數鷗閑不起只應
知我已忘機

春日過田明府遇焦山人云陶公歸隱白雲溪買得
春泉溉藥畦夜靜竹間風虎嘯月明枝上露禽棲陳
倉邑吏驚烽火太白山人訝鼓鞞相見只言秦漢事
武陵溪裏草萋萋

尉遲斥

李林甫當開元末權等人主幽并人尉遲斥耿槩士
也以頗年不第授書林甫皆擊刺之說斥有暮行潼
關之作云明月飛出海黃河流上天又觀內人樓上
踏歌曰芙蓉初出水桃李忽無言又塞上曲云夜夜
月爲青塚鏡年年雪作黑山花林甫曰蕭頴士嘗悞
吏部王尚書幾至鞭撲子詩未方頴士吾名復異於
王重欲相干三思可矣臣知見怒惶怖趨出恓屑無
依退歸林墅

王諲

除夜云今歲今宵盡明年明日催寒隨一夜去春逐

五更來氣色空中改容顏暗裏回風光人不覺已着
後園梅

元夕觀燈云暫得金吾夜通看火樹春停車傍明月
走馬入紅塵妓雜歌偏勝場移舞更新應須盡記取
說向北來人

譚登開元進士第

陳希烈

奉和聖製三日詩云上巳迂龍駕中流泛羽觴酒因
朝太子詩爲樂賓王錦纜方舟渡瓊筵大樂張風搖
垂柳色花發異林香野老無公事朝臣飲歲芳皇情

被群物中外洽恩光

雲生棟梁間云一片蒼梧意氛氲生棟梁下簾山足
暗開戶日添光偏使衣裘潤能令枕簟涼無心伴行
雨何必夢荆王

希烈宋州人工文章開元中褚無量元行冲卒希烈
與康子元進講禁中天寶中爲相國忠忌之即薦常
見素代相罷爲太子太師失職無賴祿山盜京師遂
相之肅宗時賜死于家

高適

同顏六少府旅居秋中之作云人傳君昨悵然時獨

坐深齋落木時逸氣舊來凌鷲雀高才何得混妍蚩
迹勞黃綬人多嘆心在青雲世莫知不見鬼神無正
直從來州縣有瑕疵

封丘作云我本漁樵孟諸野一生自是悠悠者乍可
狂歌草澤中寧堪作吏風塵下祇言小邑無所爲公
門百事皆有期拜迎官長心欲破鞭撻黎庶令人悲
悲來向家問妻子舉家盡笑今如此生事應須南畝
田世情付與東流水夢想舊山安在哉爲銜君命日
遲迴乃知梅福徒爲爾轉憶陶潛歸去來

開元二十六年有從元戎出塞而還者作燕歌行示

唐紀卷之三
予適感征戍之事作燕歌行云漢家烟塵在東北漢
將辭家破殘賊男兒本自重橫行天子非常賜顏色
縱金伐鼓下榆關旌旆逶迤碣石間校尉羽書飛瀚
海單于獵火照狼山山川蕭條極邊土胡騎憑陵雜
風雨戰士軍前半死生美人帳下猶歌舞大漠窮秋
草木腓孤城落日鬪兵稀身當恩遇常輕敵力盡關
山未解圍鐵衣遠戍辛勤久玉筋應啼別離後少婦
城南欲斷腸征人塞北空回首邊庭颺颺那可度絕
域倉茫何所有殺氣三時作陣雲寒聲一夜傳刁斗
相看白刃血紛紛死節從來豈顧勳君不見沙場征

戰苦至今猶憶李將軍

適字達夫滄州人客梁宋間舉有道科哥舒翰表爲
西河從事佐翰守潼關天子西幸適間道及帝河池
遷侍御史後代崔光遠爲西川節度使廣德中召還
爲右散騎常侍永泰初卒適以功名自許而言浮其
術年五十始爲詩即工以氣質自高每一篇出好事
者輒傳布

商璠云適性落拓不拘小節恥預常科隱跡博徒才
名自遠然適詩多胸臆兼有氣骨故朝野通賞其文
至如燕歌行等篇甚多佳句日余所愛者未知肝膽

向誰是令人却憶平原君吟諷不厭矣

古大梁行云古城倉注多荆榛驅馬荒城愁殺人魏
王宮館盡禾黍信陵賓客隨灰塵憶昔雄都舊朝市
軒車照耀歌鍾起軍容帶甲三十萬國步連營一千
里全盛須臾那可論高臺曲池無復存遺墟但有孤
狸窟古地空餘草木根暮天搖落傷懷抱倚劍悲歌
對秋草俠客猶傳朱亥名行人尚識夷門道白壁黃
金萬戶侯寶刀駿馬填山丘年代淒涼不可問往來
唯有水東流

行路難云君不見富家翁舊時貧賤誰比數一朝金

多結豪富萬事勝人健如虎子孫成長滿眼前妻能
管絃妾歌舞自矜一身忽如此却笑旁人獨愁苦東
鄰少年安所如席門窮巷出無車有才不肯學干謁
何用年年空讀書

邯鄲少年行云邯鄲城南遊俠子自矜生長邯鄲裏
千場縱博家仍富幾處報讎身不死宅中歌笑日紛
紛門外車馬長如雲未知肝膽向誰是令人却憶平
原君君不見即今交態薄黃金用盡還疎索以茲感
歎辭舊遊更於時事無所求且與少年飲美酒往來

射獵西山頭

張彪

北遊遠酬孟雲卿云忽忽望前事志願能相垂衣馬
久羸弊誰能文與才善道君貧賤潔服蒙塵埃行行
無定心填坎難歸來慈母憂疾疹家室念栖栖與君
宿姻親深見中外懷俟余惜時節悵望臨高臺

古別離云別離無遠近事歡情亦悲不聞車輪聲後
會將何時去日忘寄書來日垂前期縱知明當返一
息千萬思

杜子美寄張十二山人彪詩云獨卧高陽客三違賴
水春艱難隨老母慘淡向時人謝氏登山屐陶公漉

酒巾群兒彌宇宙此物在風塵歷下辭姜被關西得
孟鄰且通交契密晚接道流新靜者心多妙先生藝
絕倫草書何太古詩興不無神曹植休前輩張芝更
後身數篇吟可老一字買堪貧讀子美詩則彪蓋穎
洛間靜者大寶末將母避亂故子美以詩寄云

處雜詩云富貴多勝事貧賤無良圖上德兼齊心中
才不如愚商者多巧智農者多膏腴儒生未遇時衣
食不自如久與故交別他榮我窮居到門懶入門何
况千里餘君子有補性矧乃尋常徒行行任天地無
為強親踈

神仙云神仙可學無百歲名大約天地何蒼茫人間
半哀樂浮生亮多感善事翻爲惡爭先等驅逐中路
苦瘦弱長老思養壽後生笑寂寞五穀非長年四氣
乃靈藥列子何必待吾心滿寥廓

張子容

長安早春詩云開國維東井城池起北辰咸歌太平
日共樂建寅春雲靜青山樹水開黑水濱草迎金坪
馬花伴玉樓人鴻漸看無數鶯聲聽欲頻何當桂枝
擢歸及柳條新

九日陪潤州邵使君登北固山云五馬向山椒重陽

出麗譙徐州帶綠水楚國在青霄張幕連江樹開筵
接海潮凌雲詞客語迴雪舞人嬌梅福慙仙吏羊公
賞下僚新豐酒舊美况是菊花朝

送孟浩然歸襄陽詩云東越相逢地西亭送別津風
濤開解纜雪海去愁人鄉在桃林岸山連楓樹春因
懷故園意歸與孟家隣

孟浩然送張子容赴進士舉詩云夕曛山照滅送客
出柴門惆悵野中別疲勤岐路言茂林余偃息喬木
爾飛翻無使谷風誚須令友道存

除夜樂城簡孟浩然云遠客襄陽郡來過海畔家罇

前栢葉酒燈發九枝花妙曲逢盧女高才得孟家東
山行樂意非是競繁華

浩然歲除夜樂城張少府宅云雲海訪甌閩風濤泊
島濱何知歲除夕得見故鄉親予是乘桴客君爲失
路人平生復能幾一別十餘春

巫山詩云巫嶺碧堯天隘重佳期宿昔願相從朝雲
暮雨連天暗神女知來第幾峯

子容乃先天二年進士第曾爲樂城尉與孟浩然友
善貶樂城尉日作云竄謫邊窮海川原近惡溪有時
聞虎嘯無夜不猿啼地暖花常發晶高日易低故鄉

可憶處遙指斗牛西

李之芳

大曆中子美有夏夜李尚書延送宇文石首赴縣聯
句云愛客尚書貴之官宅相賢子美酒香傾坐側帆影
駐江邊芳翟表郎官瑞身看令宰仙或雨稀雲葉斷
夜久燭花偏子美數語歌紗帽高文擲彩牋芳興饒行
處樂離情醉中眠或單父長多暇河陽實少年子美客
居逢自出爲別幾悽然芳宇文是尚書之甥崔或司
業之孫也

之芳太宗子蔣王暉之曾孫有令譽安祿山奏爲范

陽司馬祿山反自拔歸京師廣德初使吐蕃被留二
歲乃得拜禮部尚書改太子賓客薨于美哭之芳詩
云江雨銘旌濕湖風井徑秋又曰復魄昭丘遠歸魂
素滯偏蓋死于江湖也

孟浩然

孟浩然襄陽人也骨貌淑清風神散朗救患釋紛以
立義灌園圃以全高交遊之中通脫傾蓋機警無匿
學不攻儒務撥菁華文不按古匠心獨妙五言詩天
下稱其盡善閑游祕省秋月新霽諸英聯詩次當浩
然句曰微雲淡河漢疎雨滴梧桐舉座嗟其清絕咸

以之筮筆不復爲綴丞相范陽張九齡侍御史京兆
王維尚書侍郎河東裴拙范陽盧僊大理評事河東
裴愬華陽太守滎陽鄭倩之太守河東獨孤冊率與
浩然爲忘形交山南採訪使太守昌黎朝宗謂浩然
閑深詩律實諸周行必詠穆如之頌因入奏與偕行
先揚于朝約日引謁後期浩然叱曰業已飲矣身行
樂耳遑恤其佗遂畢飲不赴由是聞罷浩然不之悔
也其好學忘名如此王士源他時嘗筆讚之曰導漾
炳靈寔生楚莫浩然清發亦自其名開元二十八年
王昌齡遊襄陽時浩然疾發昔且愈相得歡飲浩然

宴譚食鮮疾動終于南國年五十有子儀甫浩然每
爲詩佇興而故作或遲成行不爲飾動求真適故以
誕遊不利期以放情故常貧名劣繫於選部聚不盈

甌室雖屢空不給有若也

王士源序

傳曰張九齡爲荊州辟置于府罷開元末病疽背卒
後樊澤爲節度使時浩然墓碑壞符載以牋叩澤曰
故處士孟浩然文質傑美殯落歲久門裔陵遲丘隴
頽沒末懷若人行路慨然前公欲更築大墓闔州搢
紳聞風竦動而今外迫軍旅內勞賓客牽耗歲時或
有未遑誠令好事者乘而有之負公夙志矣澤乃更

爲刻碑鳳林山南封寵其墓初王維過郢州畫浩然
像于刺史亭因曰浩然亭咸通中刻史鄭誠謂賢者
不可斥其名更曰孟亭

王維憶孟云詩曰故人今不見日夕漢江流借問襄
陽老江山空蔡州

皮日休孟亭記云明皇世章句之風大得建安體論
者推李翰林杜工部爲尤介其間能不愧者惟五鄉
之孟先生也先生之作遇景入詠不拘奇抉異令齷
齷東人口者涵涵然有干霄之興若公輸氏當巧而
不巧者也北齊美蕭愨芙蓉露下落楊柳月中踈先

生則有微雲澹河漢疎雨滴梧桐樂府美玉融日霽
沙嶼明風動甘泉燭先生則有氣蒸雲夢澤波動岳
陽城謝朓之詩句精者有露濕寒塘草月映清淮流
先生則有荷風送香氣竹露滴清聲此與古人爭勝
於毫釐也

明皇以張說之薦召浩然令誦所作乃誦北闕休上
書南山歸弊廬不才明生棄多病故人疎白髮催年
老青陽逼歲除永懷愁不寐松月夜廳虛帝曰卿不
求朕豈朕棄卿何不云氣蒸雲夢澤波動岳陽城因
是故棄

商璠云余嘗謂祢衡不遇趙壹無祿其過在人及觀
襄陽孟浩然磬折謙退才名日高天下籍甚竟淪落
明代終於布衣悲夫予方知命矣且浩然詩文華采
芊茸經緯綿密半好雅調全削凡躰至如衆山遥對
酒孤嶼共題詩無論興象復兼故實又波動岳陽城
亦爲高唱也

建德江宿云移舟泊菴渚日暮客愁新野曠天低樹
江清月近人

裴司空見尋云府寮能枉顧嘉醞復新開落日池上
酌清風松下來厨人具鷄黍稚子摘楊梅誰道山公

醉猶能騎馬迴

早寒江上有懷云木落鴈初度北風江上寒我家江
水上遙隔楚雲端鄉淚客中盡孤帆天際看迷津欲
有問平海夕漫漫

永嘉上浦館逢張子容云逆旅相逢處江村日暮時
衆山遙對酒孤嶼共題詩廨宇隣蛟室人煙接島夷
鄉關萬餘里失路一相悲

湖上作云八月湖水平含虛混太清氣蒸雲臺澤波
動岳陽城欲濟無舟楫端居耻聖明徒憐垂釣叟空
有羨魚情

峴山作云石潭傍隈隩沙榜曉寅緣試垂竹竿釣果
得查頭鱖

又冬至過友人云烏泊隨陽鴈魚藏縮項鱖故杜子
美憶襄陽云吾友襄陽孟浩然新詩句句盡堪傳至
令者舊無他語謾釣查頭縮項鱖

題鹿門山清曉因興來乘流越江峴沙禽近相識浦
樹遙莫辨漸到鹿門山山明翠微淺岩潭多屈曲舟
楫屢回轉昔聞龐德公採藥遂不返金闕餌芝朮石
牀卧苔鮮紛吾感耆舊結繩事攀踐隱迹今尚存高
風逸已遠白雲何時去丹桂何偃蹇探討意未窮廻

艇夕陽晚

張祐題浩然宅云高才何必貴下位不妨賢孟簡雖
持節襄陽屬浩然

岑參

送王大昌齡赴江寧詩云對酒寂不語悵然悲一作愁

送君明時未得用味字白首徒攻文澤國從一官

滄波幾千里群公滿闕下獨去過淮水舊家富春渚

嘗憶卧江樓自聞君欲行頻望南徐州窮巷獨閉門

寒燈靜深屋北風吹微雪袍被肯同宿君行到京口

正是桃花時舟中饒孤興湖上多新詩潛虬且深蟠

黃鶴一作鵠飛未晚惜君青雲器努力加飧飯

奉送李太白保兼御史大夫充渭北節度使即太尉光

弼之弟也詩云詔出未央宮登壇近揔戎上公周太

保副相漢司空弓抱關西月旗飛渭北風弟兄皆許

國天地荷成功

宿華陰東郭客舍憶閻防詩云次舍山郭近解鞍鳴

鍾時主人炊新粒行子充夜飢閏月生首陽照見華

陰祠茫蒼秋山晦蕭瑟寒松悲久從園廬別遂與朋

知辭一作相知舊密蘭杜晚歸軒今已遲

春夢詩云洞庭一作房昨夜春風起故人尚隔一作意美人

湘江水枕上片時春夢中行盡江南數千里

參南陽人文本之後登天寶進士第累為安西關西節度判官入為祠功二外郎虞庫二正郎出為嘉州刺史副元帥杜鴻漸表公兼侍御史列於幕府使罷寓于蜀中原多故卒死於蜀

商璠云參詩語奇躡峻意亦新遠至如長風吹白茅野火燒枯桑可謂逸矣又山風吹空林颯颯如有人須稱幽致也

暮秋山行云疲馬卧長坂夕陽下通津山風吹長林颯颯如有人蒼梧霽京雨石路無飛塵千念集暮節

萬籟悲蕭辰鷓鴣昨夜鳴蕙草色已陳况在遠行客自然多苦辛

至大梁却寄康城主入云一從棄魚釣十載干明王無由謁天階却欲歸滄浪仲秋至東郡遂見天雨霜昨夜夢故山芳蕙色已黃平明辭鐵兵薄暮遊大梁仲秋蕭條景拔刺飛鵝鶴四郊陰氣閉萬里無晶光長風吹白茅野火燒枯桑故人南燕吏籍籍名皆香聊似玉壺贈置之君子堂

衛尚書赤驃馬歌云君家赤驃畫不得一團旋風柳花色紅纓紫鞵珊瑚鞭玉鞍錦鞞黃金勒請君鞞出

看君騎尾長竿地如紅絲自矜諸馬皆不及却憶百
金新買時香街紫陌鳳城內行人見者誰不愛揚鞭
驟急白汗流弄影行驕碧蹄碎紫髯胡雛金剪刀平
明剪出三駿高檉上看時獨意氣衆中牽出偏雄豪
騎將獵向南山口城南狐兔不復有草頭一點疾如
飛却使蒼鷹翻向後憶昨看君朝未央鳴珂擁蓋滿
路香始知邊將真富貴可憐人馬相輝光男兒意氣
得如此驥馬長鳴北風起待君東去掃胡塵為君一
日行千里

北庭北樓呈幕中諸公云嘗讀西域傳漢家得輪臺
古塞千年如陰山獨崔嵬二庭近西海六月秋風來
日暮上北樓殺氣凝不開大荒無鳥飛但見白龍堆
舊國耿天末歸心日悠哉上將新破胡西郊絕煙埃
邊城寂無事撫劍空徘徊幸得趨幕中託身厠群才
早知安邊計未盡平生懷

玉門關蓋將軍歌云蓋將軍真丈夫行年三十執金
吾身長七尺頗有鬢玉門關城迥且抵黃沙萬里百
草枯南隣犬戎北接胡將軍到來備不虞五千甲士
膽力麤軍中無事但歡娛暖屋繡簾紅地爐織成壁
衣花氍毹燈前侍婢瀉玉壺金鐙亂點野醃酥紫紱

金章左右趨問著即是蒼頭奴美人一雙閑且都朱
脣翠眉映月眸清歌一曲世所無今日喜聞鳳將雛
可憐絕勝秦羅敷使君五馬謾踟躕野草繡窠紫羅
襦紅牙鏤馬對樗蒲玉盤纖手撥作盧象中誇道不
曾輸檣上昂昂皆駿駒桃花叱撥價最殊騎將獵向
城南隅臘日射殺千年狐我來塞外按邊儲爲君取
醉酒剩酤醉爭酒盞相諠呼却憶咸陽舊酒徒

武威送劉單判官赴西行管使呈高開府云執海巨
鐵門火山赫金方白草磨天涯湖沙莽茫茫夫子佐
戎幕其鋒利如霜中歲學兵符不能守文章功業湏

及時立身有行藏男兒感忠義萬里忘越鄉孟夏邊
候遲胡國草未長馬疾過飛鳥天窮超夕陽都護新
出師五月發軍裝甲兵二百萬錯落金光揚揭旗拂
崑崙伐鼓震蒲昌大白引官軍天威臨大荒西望雲
似蛇戎夷知喪世渾驅大宛馬繫取樓蘭王曾到交
河城風土斷人腸塞驛遠如點邊烽互相望赤亭多
飄風鼓怒不可當有時無人行沙石亂飄颻夜靜天
蕭條鬼哭夾道傍地上多髑髏皆是古戰場置酒高
館夕邊城月蒼蒼軍中宰肥牛堂上羅羽觴紅泪金
燭盤嬌記艷新粧望若仰青冥短翮難可翔蒼然西

郊道握手何慨慷

天山雪送蕭沼歸京云天山有雪常不開千峰萬嶺
雪覆鬼北風夜捲赤車口一夜天山雪更厚能兼漢
月照銀山復逐胡風過鐵關交河城邊飛鳥絕輪臺
路上馬蹄滑瞻澹寒氣萬里凝闌干陰崖千丈冰將
軍狐裘卧不暖都護寶刀凍欲斷正是天山雪下時
送君走馬歸京師客中何以贈君別唯有青青松樹
枝走馬川行奉送出師西行云君不見走馬滄海邊
平沙莽莽黃入天輪臺九月風夜吼一川碎石大如
斗隨風滿地石亂走匈奴草黃馬正肥金山西見虜

塵飛漢家大將西出師將軍金甲夜不脫半夜軍行
戈相撥風頭如刀面如割馬毛帶雪汗氣蒸五花連
錢旋作冰幕中草檄硯水凝虜騎聞之應膽慄料知
短兵不敢接車師西門佇獻捷

輪臺歌奉送封大夫出師西征云輪臺城頭夜吹角
輪臺城北旄頭落羽書昨夜過梁黎單于已在金山
西戍樓西望空塵黑漢兵屯在輪臺北上將擁旄西
出征小胡吹笛大軍行四邊戍鼓雪海湧三軍大呼
陰山動虜塞兵氣連雲屯戰場白骨纏草根劍河風
急雪片濶沙口石凍馬蹄脫亞相勤王甚苦辛誓將

報主辭邊塵古來青史誰不見今見功名勝古人

白雪歌送武判官云北風卷地百草折胡天八月即

飛雪忽然一夜春風來千樹萬樹梨花開散入珠簾

濕羅幙狐裘不暖錦衾薄將軍雕弓不得控都護鐵

衣冷難著瀚海闌干千尺冰愁雲慘澹萬里凝中軍

置酒飲歸客胡兒琵琶與羌笛紛紛暮雪下轅門風

擊紅旗凍不翻輪臺東門送君去去時雪滿天山路

山回路轉不見君雪上空留馬行處

田使君美人如蓮花舞北旋歌云如蓮花舞北旋世

人有眼應未見高臺滿地鋪氍毹試舞一曲天下無

此曲胡人傳入漢諸客見之驚且歎慢臉嬌娥纖復

濃輕羅金鏤花忒籠回裙轉袖若飛雪左旋右旋生

旋風琵琶橫笛和未匝花門一作山頭黃雲合忽作

出塞入塞聲百草胡沙寒颯颯身入破如有神前

見後見回回新始知諸曲不可能採蓮落梅徒聒人

世人學舞祇是舞姿能豈能得如此

參至德中任宣議郎試大理評事攝監察御史左拾

遺裴薦杜甫等嘗薦參識度清遠議論雅正佳名早

立時輩所仰可備獻替之官云

唐詩紀事卷第二十三

唐詩紀事卷第二十四

元傑

韋迢

孟彥深

郭受

陶現

張僊

王昌齡

周萬

包融

顏真卿

丁仙芝

李清十二詠

韓滉

齊濟

顧朝陽

韋建

元傑

元傑有涇陽果業寺開東嶺洞谷銘并序云陰陽精氣結為山嶽者則為勝為異為奧為閔故萬嶺交峙而高華辨其方群岳敷靈而瀛壺拔其類是知仙居靈宅其必有黨乎鳴絃之北趾果業之東阜高不百

尺廣纔千畝層巖石室幽谷靈洞殊景異觀秀絕奇
偉雖瀑流之下鑪峰懸蹬之躋丹嶠路遠莫覲餘不
知其倫擬焉按寺記云昔有方七千是山鍊金變形
羽服登仙故石座丹竈至今存焉觀其東嶺削成石
瑩如玉岡巒峭竦巖壁重複捫齒而昇如造雲根縹
眇嬋娟似霞衣可攀真氣騰而塵累捐五蓋破而清
機開蕩然放懷如羽翼之已生赤城之可接噫境變
志遷若符契之協從也下臨長川澄波吐瀾烟霞夕
收飛鳥不喧青渺逶迤流注無間西直巨壑連嶂如
屏林靄朝暉巖允書清條蕩穢輝杉松下冥虛豁寂

寒溼風有聲綠嶺未極劃開洞門黛容崢嶸詭狀輪
困疑伏龍怪鎮含蜚雲又有古木倒傍絕壁盤根網
結掛絡空碧崩崖傍傾援逕下仄羽人幽會此焉瑤
席搏翠壁而直上軋崎嶇於紫氛雙巖屹以中斷奔
屏颺而成室溼孕精爽澄凝氣源信列仙之攸居豈
塵俗之所止哉嗚呼鶴駕一去鳳簫響絕荆榛蔽路
危蹬敗滅跡留人境而舉世莫知地隘精刹而群遊
莫至吁可怪乎其晦藏也元和丙申歲秋八月余以
膠鬲之困寓居精舍再從兄昭肅時假茲邑政便於
人務簡多暇與當寺僧知捷日探道源捷亦好古饗

竒之士也因語故實緬思羽客之玄風以爲靈跡神
蹤精誠必復乃操刃持斧履險道幽梯絕棧而歷巉
巖排蒙籠而登杳藹時更一稔而神居秘躅粲然皆
睹嗟乎芝田玄圃豈遠乎哉天之與人氣通則合客
有顧咨而諗予者或應之曰天之運否泰相濟故善
利稱德下民昏墊入之道行藏有數故棘津蓬累時
惟鷹揚靈物必通道在斯著不然何荒阻于祀敦焉
而興歎乃爲銘曰鑿石通道兮援木枝仰攀洞口兮
踐竒危奔龍伏虎兮勢狀竒林撐峰倚兮蟠雲螭下
臨陰谷兮神以慄歎巖兮洞無極右松蕭瑟兮生遠

風興雲霈兮壘霧黑懸巖排空兮色噴黛堅根網絡
兮層霄外披霓解帶兮羽翼生下眺遙江兮入青靄
世道紛綸兮何足謂朝為榮華兮夕顛顛不如幽谷
兮閱仙經董接浮丘兮整壘轡我窺丹竈兮坐山腹
衆峰參差兮隱雲旂鑿仙嶺兮望瑤臺朝霞照海兮
錦綺開信赤松之所昇降王喬之所往來道或用晦
兮靈物斯潛啟道未昌兮說築傳巖紛予感此兮勒
銘雲根山旣不朽兮與名長存

常迨

杜子美在長沙送常員外迨收韶州詩云炎海韶州

唐紀卷三
三
牧風流漢署郎分符先令望同舍有輝光白首多年
疾秋天昨夜涼洞庭無過鴈書疏莫相忘

迢留別杜員外院長詩云江畔長沙驛相逢纜客舡
大名詩獨步小郡海西偏地濕愁飛鵬天炎畏跼鳶
去留俱失意把臂共潸然

迢早發湘潭寄子美云北風吹夜雨江上早來涼楚
岫千峰翠湘潭一葉黃故人湖外客白首尚爲郎相
憶無南鴈何時有報章

子美酬云養拙江湖外朝廷記憶踈深漸長者轍重
得故人書曰髮絲難理新詩錦不如雖無南過雁看

取北來魚

子美後送魏司直掌選嶺南兼寄迢云故人湖外少
春日嶺南長憑報韶州牧新詩昨寄將

孟彥深

字士源天寶末爲武昌令元次山居武昌之樊山新
春大雪彥深以詩問之曰江山十日雪雪深江霧濃
起來望樊山但見群玉峯林鷺却不語野獸翻有蹤
山中應大寒短褐何以安皓氣凝書帳清着釣魚竿
懷君欲進謁溪滑渡舟難

次山酬云積雪閉山路有人到庭前云是孟武昌令

獻苦雪篇長吟未及終不覺爲悽然古之賢達者與
世竟何異不能救時患諷論以全意知公惜春物豈
非愛時和知公苦陰雪傷彼災患多姦凶正驅馳不
合問君子林鴛與野獸無乃怨如此兵興向九歲稼
穡誰能憂何時不發卒何日不殺牛耕者日已少耕
牛日已希皇天復何忍更又恐蠶之自經危亂來觸
物堪傷嘆見君問何意只益冒中亂山禽飢不飛山
木凍皆折懸泉化爲水寒爐近不熱出門望天地天
地皆昏昏時見雙峯下雪中生白雲

次山又有雪中懷孟武昌云冬來三度雪辰者歡歲

稔我表根已濡各得在倉廩天寒未能起孺子驚人

寢云有山客來簞中見冬葦

生木上

燒柴爲溫酒煮鱖

爲作潘

尺甚反
羹汁

客亦愛杯搏思君共杯飲所嗟山路

開時節寒又甚不能苦相邀興盡還就枕

次山作退谷銘曰干進之客不得遊之作杯湖銘曰

爲人厭者勿泛焉乃曰孟士源嘗黜官無情干進在

武昌不爲人厭可遊退谷可泛杯湖故有招孟武昌

詩云武昌不仕進武昌人不厭退谷可正遊杯湖任

來泛湖上有水鳥見人不飛鳴谷中有山獸往往隨

人行莫將車馬來令我鳥獸驚

彥深登天寶二年第

郭受

受寄子美詩云新詩海內流傳困舊德朝中屬望勞
郡邑地卑饒霧雨江湖天闊足風濤杜醪酒熟傍看
醉蓮菜舟輕自學操春興不知凡幾首衡陽紙價頓
能高

衡陽出五家紙
又云出五里紙

子美酬郭十五判官去才微歲老尚虛名卧病江湖
春復生藥裏關心詩揔廢花枝照眼句還成只同燕
石能星隕自得隨珠覺夜明喬口橘洲風浪促繫帆
何惜片時程

受大曆間衡陽判官也

陶現

現彭澤之孫也開元末家崑山泛遊江湖自制三舟
與孟彥深王雲卿焦遂共載吳越之士號爲水仙省
親南海獲崑崙奴名摩訶善遊水至西塞山下泊舟
吉祥佛舍見江水深黑謂必有怪物投劍命摩訶下
取久之支體僂裂浮於水上現流涕迴棹賦詩自叙
不復遊江湖矣詩云巨廬舊業是誰主吳越新居安
此生白髮數莖歸未得青山一壘計還成鴉翻楓葉
夕陽動鷺立蘆花秋水明從此捨舟何所詣酒旗歌

扇正相迎

張儼

辭房相公云秋風颯颯雨霏霏秋絕恹惶一布衣辭
君且作隨陽鴈海內無家何處歸備天寶至德間人

王昌齡

昌齡字少伯江寧人中第補校書郎又中博學宏辭
科遷汜水尉不護細行世亂還鄉里爲刺史閭丘曉
所殺工詩緒密而思清時謂王江寧

獨遊詩云林卧情每閑獨遊景常晏時從灞陵下垂
釣往南澗手携雙白魚目送千里雁悟彼飛有有適知

此惟憂患放之清冷泉因得省踈慢永惟青岑客廻
首白雲間神超物無違豈繫名與宦

齋心詩云女蘿覆石壁溪水幽濛瀟紫葛蔓黃花娟
娟寒露中朝飲花上露夜卧松下風雲英化爲水光
彩與我同日月蕩精魄寥寥天府空

笠篔引云瀘谿郡南夜泊丹夜聞南崖羗戎謳其時
月黑猿啾啾微雨霑衣令人愁有一遷客登高樓不
言不寐彈空篔篥彈作薊門桑葉秋風沙颯颯青塚頭
將軍鐵鬃汗血流深入匈奴戰未休黃旗一點兵馬
收亂殺胡人積如丘瘡病驅來配邊州仍披漠北羊

羔裘顏色杌枯掩面羞眼眦滴淚深兩眸還思本鄉
食羴牛欲語不得指咽喉或有強壯能吽嘍意說被
他邊將讎五世屬蕃漢主留碧毛氈帳河曲遊豪駝
五萬部落稠勅賜飛鳳金批鑿爲君百戰如過籌靜
掃陰山無鳥投家藏鐵券特承優黃金千斤不稱求
九族分離作楚囚深谿寂寞絃苦幽草木悲感聲颼
颼僕本山東爲國憂光明殿前論九疇麓讀丘書盡
宜搜爲君掌上施權諱洞曉山川無與儔紫宸發詔
懷遠柔搢筆飛箱如奪鉤鬼神不得知其由憐愛蒼
生北虵蟬綠河屯兵須漸抽盡遣降來拜御溝便令

海內休戈矛何用班超定遠侯史臣書之得已不

長信秋云金井梧桐秋葉黃珠簾不捲夜來霜重籠
玉枕無顏色卧聽南宮清漏長

奉帚平明秋殿開且將團扇共徘徊玉顏不及寒鴟
色猶帶昭陽日影來

西宮秋怨云芙蓉不及美人粧水殿風來珠翠香誰
分含啼掩秋扇空懸明月侍君王

啼一作清

西宮春怨云西宮夜靜百花香欲落珠簾春恨長斜
抱雲和深見月朦朧樹色隔朝陽

青樓怨云香幙風動花入樓高調鳴箏緩夜愁腸斷

關山不解說依依殘月下簾鈎

送李濯遊江東詩云清洛日夜漲微風引孤舟離觴
便千里遠夢生江樓

楚國橙橘暗吳門烟雨愁東南且今古歸望山雲秋
商璠云永嘉已還四百年內曹劉陸謝風骨頓盡今
昌齡克嗣厥跡至如明堂坐天子月朔朝諸侯清樂
動千門皇風被九州慶雲從東出決滂抱日流又獨
飲灞上亭寒山青門外長雲驟落日東來寂已晦又
蒼秋寒滄江石頭岸邊飲又長亭酒未酣千里風動
地又京門望西岳百里見郊樹飛雨祠下來靄然關

中暮又奸雄乃得志遂使群心搖赤風蕩中原烈火
無遺巢一人計不用萬里空蕭條又百泉勢相蕩巨
石皆却立昏爲蛟龍怒清見雲雨入又去時三十萬
獨自還長安不信沙場苦君看刀箭瘢又雲起太華
山雲水玄明滅東峯始含景了了見松雪又櫛栴無
冬春柯葉連峯稠險壁下蒼黑煙含清江樓疊沙積
爲岡崩剝雨露幽石脉盡橫巨潛潭何時流斯並驚
耳駭目畧舉十句則中興高作可知矣予常觀昌齡
齋心詩弔軹道賦謂其人孤潔恬澹與物無傷晚節
謗議沸騰言行相背及淪落竄謫竟未減才名固知

善毀者不能掩西施之美也

放歌行云南渡洛陽津西望十二樓明堂坐天子月
朔朝諸侯清樂動千門皇風被九州慶雲從東來泱
泱抱日流昇平貴論道文墨將何求有詔徵草澤微
誠將獻謀冠冕如星羅拜揖曹與周望塵非吾事入
賦且遲留幸蒙國士識因脫負薪表今者放歌行以
慰梁甫愁位榮數計祿奉養每豐羞願得金膏遂飛
雲亦可籌

代扶風主人答云然氣凝不流風悲日彩寒浮塵起
四遠遊子弥不歡依然宿扶風沽酒聊自寬寸心亦

未理長鋏誰能彈主人就我飲對我還慨歎便泣數
行淚因歌行路難十五役邊城三迴討樓蘭連年不
解甲積日無所殮將軍降匈奴國使沒桑乾去時三
十萬獨自還長安不信沙場苦君看刀箭瘢鄉親悉
零落塚墓亦摧殘仰攀青松枝慟哭傷心肝禽獸悲
不去路旁誰忍看幸逢休明代寰宇靜波瀾老馬思
伏櫪長鳴力已殫少年與君會何事發悲端天子初
封禪賢良刷羽翰三邊悉如此否秦亦須觀

鄭縣宿陶大公館中贈馮六元二云儒有輕侯王脫
畧當世譽本家藍溪下非爲漁弋故無何困躬耕且

唐詩卷三十四
欲馳永路幽居與君近出谷同所務昨日辭石門五
年變秋露雲龍未相感于謁亦以屢子爲黃綬羈予
忝逢山頽京門望西岳百里見郊樹飛雨祠上來靄
然關中暮馳車鄭城宿秉燭論永素山月出華陰開
此河渚霧清光比故人豁達展心晤馮公尚戢翼元
子仍跼步拂衣易爲高淪跡難有趣張范善始終吾
等豈不慕罷酒當涼風屈伸備冥數

小敷谷龍潭祠作詩云崖谷歎疾流地中有雷集百
泉勢相蕩巨石皆却立跳波沸崢嶸深處不可挹昏
爲蛟龍怒清見雲雨入靈怪崇偏祠廢興自茲邑沉

淫頃多昧簷宇遂不葺吾聞被明典盛德惟世及生
人載山川血食報原隰豈伊駭微險將以循吐揖
飛振呂梁中信亦我習波流侵已廣悔吝在所汲溪
水有清源寒裳靡沾濕

過華陰詩云雲起太華山山色玄明滅東峰始含景
了了見松雪羈人感幽棲窓映轉奇絕欣然忘所疲
永望吟不輟信宿百里餘山開翫新月何意昨來心
遇物遂遷別人生屢如此何以肆愉悅

山色一作雲仙

出榔山口至疊石灣野人室中寄張十一詩云櫛栴
無冬春柯葉連峰稠陰壁下蒼黑煙舍清江樓景開

獨公曳響各隨興酬旦夕望吾友如何迂孤舟疊沙
積為岡崩剝雨露幽石脉盡橫亘潛潭何時流既見
萬古色頗盡一物由水與世人遠氣還草木收盈縮
理無餘今往何必憂郝士群山高者老如中州孰云
議外降豈是娛官遊陰火昔所服舟砂將爾謀昨臨
蘇耽并復回衡陽求同疾來相依脫身當有籌數月
乃離居風溢成阻脩野人善竹器童子能溪謳寒月
波蕩漾羈馮去悠悠同收一作問疾

九江口作詩云潏潏江勢闊雨開潏陽秋驛門是高
岸望盡黃蘆洲水與五溪合心期萬里遊明時無棄

才謫去隨孤舟鷺鳥立寒不丈夫佩吳鉤何當報君
恩却繫風霜頭

從軍行二首云向夕臨大荒朔風軫歸慮平沙萬里
餘飛鳥宿何處虜騎獵長原翩翩傍河去邊聲搖白
草海氣生黃霧百戰起風塵十年履霜露雖投足遠
筆未坐將軍樹早知行路難悔不理章句

秋風馬蹄輕角弓持絃急去為龍城戰正值胡兵襲
軍氣橫大荒戰酣日將入長風金鼓動白露鐵衣濕
四起愁邊聲南庭時竚立斷蓬孤自轉寒鴈飛相及
萬里雲沙漲平原水霰遊惟聞漢州遙獨向刀環泣

周萬

送沈芳謁李觀察求仕進詩云往日長安路歡遊不
惜年為倉廬女曲用盡沈郎錢身老方投刺途窮始
着鞭猶聞有知己此去不徒然

世君曾浪迹長
因

萬開元末登第

包融

送國子張主簿詩云 湖岸纜初解鷺啼別離處遙
見舟中人時時一回顧坐悲芳歲晚花落清軒樹春
夢隨我心搖揚逐君去

融潤州延陵人歷大理司直二子何吉齊名世稱二

包孟浩然宴包二融宅詩曰閑居枕清洛左右接大
野門庭無雜賓車轍多長者是時方盛夏風物自蕭
洒五月休沐歸相携竹林下開襟成權趣對酌不能
罷蚤暝棲鳥迷餘將歸日社

顏真卿

吳門有清遠道士同沈恭子遊虎丘詩其辭自商周
歷近代柳二千年來矣鬼神耶隱士耶莫能測也而
辭藻健俊魯公愛之刻於巖際并有鑑作衛公又次
而和之

清遠道士詩云我本長殷周遭罹歷秦漢四瀆與五

岳名山盡幽竄及此寰區中始有近峯翫近峰何鬱
鬱平湖眇瀟漫吟挽川之陰步上山之岸山川共澄
澈光彩交凌亂白雲翁欲歸青松忽消半客去川島
靜人來山鳥散谷深中見日崖幽曉非旦聞子盛造
遨風流足詞翰嘉茲好松石一言常累歎勿謂餘鬼
神忻君共幽讚

曾公詩云不到東西寺于今五十春竭來從舊買林
壑宛相親吳子多藏日秦皇厭聖辰劔池穿萬仞盤
石坐千人金氣騰為虎琴臺化若神登壇仰生一捨
宅歎珣珉中嶺分雙樹迴巒絕四鄰窺臨江海接崇

飾四時新客有神仙者於茲雅麗陳名高清遠峽文
聚斗牛津跡異心寧間聲同質豈均悠然千載後知
我揖光塵

衛公詩云茂苑有靈峰嗟餘未遊觀藏山在平陸壤
谷有高岸岡繞數仞墻巖潛千丈幹乃知造化意迴
幹資竒詭鏐騰昔虎踞劔沒嘗龍煥潭黛入海底峯
岑聳霄半層巒未昇日哀欣寧知且綠篠夏凝陰碧
林秋不換其搜既窮窳迥望何蕭散川曉風氣收江
春雜英亂逸人綴清藻前哲留篇翰共扣哀玉音皆
舒文繡段難追彥回賞

格彥回見凡人所稱常過其實又見虎丘則逾其所聞

徒起與公歎一力如再升含毫星斗爛

真卿與耿漳水亭詠風聯句有度琴方解愠臨水已

迎秋之句

丁仙芝

長寧公主舊山池詩云平陽舊池館寂寞使人愁座
卷留黃簾廉垂白玉鈞庭間花自落門閉水空流追
想吹簫處應隨仙騎遊

越裳貢白雉去聖若承休運伊臯列上台尋思丹微
遠入貢素暈來北闕欣初見南枝願未迴歛容殘雪
靜矯翼片霜開馴擾將無懼飈飛幸不猜甘從上林

裏飲啄自徘徊

仙芝潤州曲阿人登開元進士第爲餘杭尉

李清

詠石季倫云金谷繁華石季倫只能謀富不謀身當
時縱與綠珠去猶自無窮歌舞人

清登天寶十二年進士第

韓滉

晦日呈諸判官云晦日新晴春日嬌萬家攀折渡長
橋年年老向江城寺不覺春風換柳條

聽樂悵然自述云萬事傷心對管絃一身含淚向春

金黃金用盡教歌舞留與他人樂少年

浣字太冲正元初加同平章事江淮轉運使二年封
晉國公初有美名所與游皆天下豪俊其詩與孟浩
然酬唱云

齊幹

長門怨云管管孤思通寂寂長門夜妾妬亦知非君
恩那不惜携琴就玉階調悲心未諧將心寄明月流
影入君懷

幹字洗心定州人開元間與蘇晉蘇頲賈曾韓休許
景先孫逖典詔誥為代言最杜暹當國表宋璟為吏

部尚書澣及蘇晉為侍郎世謂臺選常稱陳希烈苗
晉卿之才後皆大顯

顧朝陽

昭君怨云莫將鉛粉匣不用鏡花光一去邊城路何
情更畫粧影銷胡地月衣盡漢宮香妾死非關命都
緣怨斷腸

朝陽開元間詩人

韋建

泊舟盱眙云維舟淮水次霜降夕流清夜出潮侵岸
天寒月近城平沙依雁宿候館聽鷄鳴鄉國雲霄外

誰堪羈旅情

建興蕭頴士最善

唐詩紀事卷第二十四

唐詩紀事卷第二十五

徐安貞

崔惠童

崔敏童

劉晏

劉灣

薛據

劉齊虛

張巡

張繼

張謂

梁肅

柳渾

孟雲卿

徐安貞

畫襄陽圖云畫得襄陽郡依然見昔遊現山思駐馬
漢水憶回舟丹壑常含霽青林不換秋圖書空咫尺
千里意悠悠

安貞始名楚璧應制舉三登甲科開元中為中書舍

唐紀卷十五
人集賢學士帝屬文多令視草終中書侍郎在中書
省久李林甫用事或言計議多所參助云或云安正
天寶後以林甫之故避罪衡山岳寺李北海遊岳識
之因戲曰峴山思駐馬漢水憶迴舟暮雨衣猶濕春
風帆正開抑能記否因同載北歸至長沙謂守者曰
瀟湘逢故人若幽谷之覩太陽不然委頓巖穴矣

崔惠童

宴城東庄云一月人生笑幾回相逢相識且啣杯眼
看春色如流水今日飛花昨日開

尚明皇晉國公主

崔敏童

宴城東庄云一年始有一年春百歲曾無百歲人能
向花中幾回醉十千沽酒莫辭貧

敏童惠童昆弟也

劉晏

明皇御勤政樓大張樂羅列百技時教坊有王大娘
者戴百尺竿竿上施木山狀羸州方丈令小兒持絳
節出入於其間歌舞不輟時劉宴以神童爲秘書正
字方十歲帝召之貴妃置之膝上爲施粉黛與之中
櫛帝問宴汝爲正字正得幾字晏曰天下字皆正唯

朋字未正得貴妃復令詠王大娘戴竿晏應聲曰樓
前百戲競爭新唯有長竿妙入神誰謂綺羅翻有力
猶自嫌輕更着人因命牙笏及黃紋袍賜之

晏八歲獻頌泰山行在帝命張說試之說曰國瑞也
即授太子正字公卿邀請旁午號神童晏字士安

劉灣

字靈源彭城人天寶進士天寶之亂以侍御史居衡
陽元結送王契佐卿入蜀序曰與佐卿去者有清河
崔異與次山住者有彭城劉灣相醉相留幾日江畔
出塞曲云將軍在重圍音信絕不通羽書如流星飛

入甘泉宮倚是并州兒少年心膽雄一朝隨石暮百
戰爭王公去年棄乾北今年棄乾東死是征人死功
是將軍功汗馬敗秋月疲人卧霜風仍聞左賢王更
欲圍雲中

即席賦露中菊云衆芳春競發寒菊露偏滋受氣何
曾異開花獨自遲晚成猶有分欲採未過時勿棄東
籬下看隨秋草衰

元次山作劉侍御月夜讌會序云兵興以來十一年
矣獲與同人權醉達旦詠歌取適無三焉乙巳歲彭
城劉靈源在衡陽逢故人或有在者日夕相會第寬

遠遊始與諸公待月而笑語競與諸公愛月而懽詠
夜叉賦詩言懷於戲文章道喪蓋亦又矣時之作者
煩雜過多歌兒舞女且相喜愛系之風雅誰道是耶
諸公嘗欲變時俗之淫靡為後生之規範今豈不
能道達情性成一時之美乎次山詩曰我從蒼梧來
將耕舊山田踟躕為故人且復停歸船日夕得相從
轉覺和樂全愚愛涼風來明月止滿天河漢望不見
幾星猶燦然中夜興欲酣改坐臨清川未醉恐天旦
更歌促繁絃懽娛不可逢請君莫言旋

薛據

出青門往南山下別業云舊居在南山夙駕自城闕
榛莽相蔽虧去爾漸超忽散漫餘雪晴蒼茫季冬月
寒風吹長林白日原上沒懷抱曠莫伸相知阻胡越
弱年好棲隱鍊藥在巖窟及此離垢氛興來亦因物
末路期赤松斯言庶不伐

西陵口觀海云浙江漫湯湯近海勢彌廣在昔胚暉
凝融為百川長地形失端倪天色潛滉漭東南際萬
里極目遠無象山影乍浮沉潮波忽來往孤帆或不
見棹歌猶響像日暮長風起客心空振蕩浦口霞未
收潭心月初上林嶼幾遶迴亭臯時偃仰歲晏訪蓬

瀛直遊非外獎

據與王摩詰杜子美最善子美有喜薛三據授司議郎詩云文章開突奧遷擢潤朝廷又有寄薛三郎中詩云與子俱白頭役役常辛苦雖爲尚書郎不及村野人天未厭戎馬我輩本常貧子尚客荊州我亦滯江濱聞子心甚壯所過信席珍賦詩賓客間揮灑動八垠乃知蓋代手才力老益神其略如此

據自來樂主簿陟縣丞復選宰陟縣劉長卿贈詩云棲鸞往已屈馴翟今可嗣此道如不移雲霄坐應致縣前漳水綠郭外晉山翠日得謝客遊時堪陶令醉

高適淇上寄據云故交負靈竒逸氣包寒謬隱軫經濟具縱橫建安作

據開元中自恃才名於吏部參選請授萬年錄事諸流外官共見宰執訖之曰赤錄事某等清要官今被進士奪去某等色人無措手足矣遂罷

商璠云據爲人骨鯁兼有氣魄其文亦不自傷不卑不達故著古興詩云投珠恐見疑抱玉但垂泣道在君不舉功成歎何及怨憤頗深至如寒風吹長林白日原上沒又窮冬時短晷日盡西南天可謂曠代之佳句也

據河中寶鼎人中書舍人文思曾孫父元暉什邡令
開元天寶間據與第播惣相繼登科終禮部侍郎
省署開文苑滄浪學釣翁據之詩也子美懷據詩乃
云獨當省署開文苑兼丞滄浪學釣翁

據古興云日中望雙闕軒蓋揚飛塵鳴珮初罷朝自
言皆近臣光華滿道路意氣安可親歸來宴高堂廣
筵羅八珍僕妾盡錦綺歌舞夜達晨四時自相代誰
能分要津已看覆前車未見改後輪丈夫須兼濟豈
得樂一身君今皆得志肯顧憔悴人

初去郡書情云肅徒辭汝穎懷古獨悽然尚想文王

化猶思巢父賢時移多讒巧大道竟誰傳况是疾風
起悠悠旌旆懸征鳥無返翼歸流不停川已經霜露
下乃驗松柏堅回首望城邑迢迢間雲煙志士不傷
物小人皆息妍感時唯責已在道非怨天從此適樂
土東歸知幾年

劉昫虛

去年上策不見收今年密食仍淹留羨君有酒能共
醉羨君無錢能不憂如今五侯不待客羨君不問五
侯宅如今七貴方自尊羨君不過七貴門大夫會應
有知己世上悠悠何足論

贈喬林

唐詩卷七十五
青冥南山色君與緇錫鄰深路入古寺亂花隨暮春
紛紛對寂寞往往落衣巾松色空照水經聲時有人
晚心復南望山遠情獨親應以脩往業亦唯立此身
深林度空夜煙月資清真莫歎文明日彌年從隱淪

贈
闕防

九日送人云海上正搖落客中還別離同舟去未已
遠送新相知流水意何極蒲樽徒爾爲從來菊花節
早已醉東籬

江南曲云美人何蕩漾湖上風日長玉手欲有贈徘徊
雙鳴璫唱歌隨綠水怨色起春陽日暮還家望煙

雲橫洞房

登廬山峰頂寺云孤峰留萬象秋氣何高清晰南
郡出林端四湖明山門二緇叟振錫聞幽聲心照有
無界業懸前後生徒知真機靜尚與愛網并方首金
門路未遑參道情

暮秋揚子江寄孟浩然云木葉紛紛下東南日煙霜
山林相曉暮天海深清蒼暝色空復久秋聲亦何長
孤舟垂微月獨夜仍越鄉寒笛對京口故人在襄陽
詠思勢今夕江漢遙相望

海上云日處歸且遠送君東悠悠滄溟千萬里日夜

一孤舟曠望絕國所微茫天際愁有時近仙境不定
若夢遊或見青色石孤山百丈秋前心方奮耿此路
勞夷遊離別惜吾道風波敬皇休春浮花氣遠思逐
海水流日莫離歌後未懷空滄州

鄭處誨明皇雜錄云天寶末劉希夷王泠然王昌齡
祖詠張若虛張子容孟浩然常建李白劉昶盧綸
杜甫雖有文章盛名皆流落不偶

商璠云慎虛詩情幽興遠思苦詞奇忽有所得便驚
衆聽頃東南高唱者十數人然聲律婉態無出其右
雖氣骨不逮諸公自求明以來可傑立江表至如松

色空照水經聲時有人又滄溟千萬里日夜一孤舟
道自白雲靜春與青溪長時有落花至遠隨流水香
開門向溪路深柳續書堂幽映每落日清輝照衣裳
並方外之言也惜其不求天年墮碎國寶

王昌齡宿京江口期昝虛不至詩云霜天起長望殘
月生海門風靜夜潮滿城高寒氣昏故人何寂寞久
已乖清言明發不能寐徒盈江上罇又送昝虛歸取
宏詞解云天清聞海鶴遊子引鄉貽聲隨羽儀遠勢
與歸雲便青桂春再榮白雲暮來變遷飛在禮義豈
復淚如霰

孟浩然九日於龍沙寄劉大春虛云龍沙祿童北九日挂帆過風俗因時見湖山發興多客中誰送酒棹裏自成歌歌竟乘流去滔滔任夕波

張巡

守睢陽日嘗賦詩曰接戰春來苦孤城日漸危合圍倂月暈分守効魚麗屢屢黃塵起時將白羽揮裏瘡猶出陣飲血更登陴忠信應難敵堅貞自不移無人報天子心計欲何施

又夜聞笛云岩堯試一臨虜騎俯城陰不辨風塵色安知天地心營開星月近戰苦陣雲深旦夕更樓上

遙聞橫笛吟

巡謝金吾將軍表云想峨嵋之碧峰豫遊西蜀追綠耳於玄圃保壽南山逆賊祿山殺戮黎獻羶腥闕庭臣被圍四十七日九一千八百餘戰主辱臣死當臣效命之時惡稔罪盈是賊滅亡之日

巡祭燾文曰太一先鋒蚩尤後殿蒼龍持弓白虎搥箭祭城隍云雀井鳩翔危堞龍攫皆文武雄健志氣不衰真忠烈士也

巡字巡鄧州人博通群書爲文章不立彙以忠義死睢陽

張繼

閭門即事云耕夫占募逐樓船春草青青萬頃田試
上吳門看郡郭清明幾處有新煙

清明日自西午橋至瓜蠟村有懷云晚霽龍門雨春
生汝火風鳥啼官路靜花發毀垣空鳴玉慙時董垂
絲學老翁舊遊人不見惆悵洛城東

洛陽作云洛陽天子縣金谷石崇鄉草色侵官道花
枝出苑墻書成休逐客賦罷速爲郎貧賤非吾事西
遊思自強

春夜皇甫冉宅對酒云流落時相見悲歡共此情與

因樽酒洽愁爲故人輕暗滴花垂露斜輝月過城那
知橫吹曲江外作邊聲

安公房間法云流年一日復一日世事何時是了時
試向東林問禪伯遣將心地學琉璃

高仲武云張繼自外累代詞伯積襲弓箕其於爲文
不雕不飾及尔登第秀發當時詩體清迥有道者風
如女停襄邑杼農廢汶陽耕使者乘軒去諸侯擁節
迎火燎原猶執波搖海未平此興深矣

繼字懿孫襄州人登天寶進士第大歷末檢校祠部
員外郎分掌財賦於洪州送郗紹元河南租庸判官

云齊魯傷心地頻年此用兵女停襄邑村農廢汶陽
耕使者乘輅去諸侯擁節迎深仁佐君子薄賦郵黎
忙火燎原猶執波播海未平應將否泰理一問魚諸生
感懷云調與時人背心將靜者論經年帝城裡不識
五侯門

伉儷歿於洪州劉長卿哭張貞外云白簡曾連拜滄
州每共思撫存吟稚齒歎逝頽身衰自此辭張劭何
由見戴逵獨聞山吏部流涕訪孤兒

楓橋夜泊云月落烏啼霜滿天江楓漁火對愁眠姑
蘇城外寒山寺夜半鐘聲到客船此地有夜半鐘謂之無常鐘繼志其

異耳歐陽以爲語病非也

張謂

負薪老翁住北州北望鄉關生客愁自言老翁有三
子兩人已向黃沙死如今少男新長成明年聞道更
徵兵定知此別必零落不及相隨同死生盡將田宅
借鄰伍且復伶俜去鄉土在生本求多子孫及有誰
知更辛苦近傳天子尊武臣強兵直欲靜胡塵安邊
自合有長策何必流離中國人代北州老翁答

送盧舉使河源詩云故人行役向邊州疋馬今朝不
少留長路關山何日盡蒲堂絲管爲君愁

同諸公遊雲公禪院云共許尋鷄足誰能惜馬蹄長
空淨雲雨斜日半虹蜺簷下千峰轉窓前萬水低看
花尋逕遠聽鳥入林迷地與喧卑隔人將物我齊不
知樵客意何事武陵溪

送青龍一公云事佛輕金印勤王度玉關不知從樹
下還許到人間楚水清蓮淨吳門白日閑聖朝須助
治切莫愛東山

哭護國上人云昔喜三身靜今悲萬劫長不應歸北
斗多是向西方舍利衆生得袈裟弟子將鼠行殘藥
椀蟲網舊繩床別起千花塔空留一草堂支公何處

在神理竟茫茫

麓山精舍送莫侍御歸寧云何處堪留客香林隱翠
微薜蘿通驛騎松竹掛朝衣霜引臺烏集風驚塔鴈
飛飲茶勝飲酒聊以送相歸

乾元中謂以尚書郎出使夏口沔州牧杜公觴于江
城之南湖謂命李白標之嘉名白目爲郎官湖云謂
同王徵君湘中有懷云八月洞庭秋瀟湘水北流還
家萬里夢爲客五更愁不用開書秩偏宜上酒樓故
人京洛客何日復同遊

王清公主挽歌云學鳳年猶少乘龍日尚賒幼封千

戶邑忽駕五雲車地接金人岍山通玉女家秋風何

太早吹落楚園花

代宗之女

謂登天寶二年進士第奉使長沙嘗作長沙風土記

云巨唐八業元聖六載五言待罪湘東

商璠云謂代北州老翁峇及湖中對酒行並在物情

之外眾人未曾說耳亦何必歷遐遠探古跡然後始

為冥搜謂湖中對酒行云夜坐不飲湖上月晝游不

飲湖上山眼前一罇又長蒲心中萬事如等閑主人

有黍百餘碩濁醪數斗應不惜即今相對不盡歡別

後相思復何益茱萸灣頭歸路賒願君且宿黃翁家

風光若此人不醉參差辜負東園花

謂大曆間為禮部侍郎典七年八年九年貢舉

梁肅

肅字欽之世居陸渾蕭復杜佑交薦辟終右補闕崔

恭序其文以肅文雖多而無適時之用故以皇甫士

安比之

肅贊四皓云秦失其鹿豪傑並逐鸞鳳何依白雲深

谷英英南山采采紫芝漢以劍起吾誰與歸栖心化

元澹泊無為禮物雖至先生默而惟彼貞名確不可

轉儲皇不安我德用顯大君是驚惠位是寧四公屈

身天下和平弋者何思鴻飛冥冥

柳渾

正元中牡丹多渾詩云近來無奈牡丹何數十千錢
買一窠今朝始得分明見也共戎葵不校多親西陽
渾字夷曠不樂拘檢爲正元宰相

孟雲卿

宋郊詩云徘徊宋郊上不見平生親獨立正傷心悲
風來孟津方載群物生死有常倫虎豹不相食哀
哉人食人豈知逢世運天道亮云云

又云太虛流素月三五何皎明允耀侵白日賢愚迷

至精四時更變化天道有虧盈常恐今已沒須臾復
更生

雲卿河南人元次山送孟校書往南海云雲卿與次
山同州里以辭學相友少次山六七歲聲名滿天下
知已在朝廷及次山之年何事不可勿愛羅浮往而
不歸也

雲卿鄴城懷古云朝發箕水南將尋北燕路魏家舊
城闕寥落無人住伊昔天地屯曹公獨中據群臣將
北面白日忽西暮三臺竟寂寥萬世難長固雄豪安
在哉衰草霜露露崔嵬長河北尚見應劉墓古樹藏

唐詩卷十五
龍蛇荒茅伏狐兔求懷故池館數子章連句逸興驅
山河雄辭變雲霧我行覩遺跡精爽如相遇斗酒將
醉君悲風白楊樹

古挽歌云草草閭巷喧塗車儼成位冥寂何所須盡
我生人意北去路非遠此別終天地臨穴頻撫棺至
哀反無淚爾形未褻老爾音猶童稚骨肉安可離皇
天若容易房帳即虛張庭宇爲哀吹薤露歌若斯人
生盡如寄

別離曲云結髮生別離相思復相保何知日已久五
變庭中草渺渺天海途悠悠吳江島但懼不出門出

門無遠道遠道行既難家貧衣服單嚴風吹積雪晨
起鼻何酸人生各有戀豈不懷爾安分明天上日生
死誓同歡

傷懷疇故友詩云悄悄晨鷄翔浙草上霜人生早
艱苦壽命恐不長二十學已成三十名不彰豈無同
門友貴賤易中腸驅馬行萬里悠悠過帝鄉幸因弦
歌未得上君子堂衆樂互喧奏獨余被笙篳坐中無
知音安得神洋洋願因高風起上感白日光

古離別云朝日上高臺離人怨秋草但見萬里天不
見萬里道君行本遙遠昔樂誠難保宿昔夢同衾心

憂夢顛倒含酸欲謝訴轉轉傷懷抱白髮年已深征
行去何早寒暄有時謝顛顛難再好人皆筭年壽死
者何曾老少壯無會期水深風浩浩
高仲武云孟君詩祖述沈千運賊中十首又漁獵陳
拾遺詞氣傷古怨者之流如虎豹不相食哀哉人食
人方於七哀路有飢婦人抱子棄草間則雲卿深矣
懇雖効之於陳沈纔能昇堂猶未入室然當今古調
無出其右者一時之英也余感懇君平生好古著格
律門論及譜二篇以攝其體統
雲卿與杜子美元次山最善

群物歸大化六龍頽西荒

感懷

安知浮雲外日月不

運行

若雨

孤兒去慈親孤客喪主人莫吟辛苦曲此

曲誰忍聞可聞不可說去去無期別行人念前程不

待參辰沒朝亦常苦飢暮亦常苦飢飄飄萬里餘貧

賤多是非少年莫遠行遠行多不歸

悲哉

右張為取

作主客圖以雲卿為高古奧逸主

唐詩紀事卷第二十五

唐詩紀事卷第二十六

盧象

闕防

王季友

楊賁

張陵

王之渙

李陽冰

蘇渙

劉長卿

章八元

李穆

韋應物

朱放

孫逖

李紱

畢曜

盧象

象題叔徵君東谿草堂云關山十餘里青壁森相倚
 欲識堯時天東谿白雲是雷聲轉幽壑雲氣杳流水
 澗影生虫蛇巘端翳梓杞大道終不易君恩曷能已
 鸞羨無老時龜言攝生理浮年笑六甲元化潛一指

未暇掃雲梯空歎阮家子

又云今朝共遊者得性閑未歸已到仙人家莫驚鷗
鳥飛水深巖公釣松挂巢父衣雲氣轉幽寂谿流無
是非名理未足羨腥臊詎所稀自惟負真意何歲當
食薇

象自江東止田園移莊慶會未幾歸汶上小弟幼妹
尤悲其別賦詩云謝病始告歸依然入棗梓家人皆
佇立相候衡門裏疇類皆長年成人舊童子上堂家
慶畢顧與親姻通論舊或餘悲思存且相喜田園轉
蕪沒但有寒泉水衰柳且蕭條秋光清邑里入門乍

如客休騎非便止中飲顧工程離憂從此始兩妹日
長成雙髮將及人已能持寶瑟自解掩羅巾念昔別
時小未知踈與親今來識離恨掩淚方殷勤小弟更
孩幼歸來不相識同居雖漸慣見人猶默默宛作越
人言殊鄉甘水食別此最爲難淚盡有餘憶

劉夢得董廷詩集序云嘗所遊皆青雲之士聞名如

盧杜員外象工部甫高韻如包李祭酒吉侍郎紇迭以章句揚於當時

商璠云象詩雅而不素有體得國士之風曩在校
書名光秘閣其如靈越山多秀新安江甚清蓋東南
之數郡也

竹里館云江南水不開山澤氣潛通臘月聞山鳥寒
岷見蟄熊柳林青半合荻箒亂無叢回首金陵岍依
依向北風

送祖詠云田家宜伏臘晏子言歸石路雪初下荒
村鷄共飛東源多煙火北澗隱寒暉滿酌野人酒倦
聞隣女機胡為困樵採幾日被朝衣

贈張筠負外云公門世業昌才子冠裴王出自平津
邸還為吏部郎神仙餘氣色列宿動輝光夜出南宮
靜朝趨北禁長時人窺水鑑明主賜衣裳翰苑飛鸞
鷗天池待鳳凰承歡疇日願未記後時傷去去圖南

遠微才幸不忘

趙都護晏別云結髮候旌麾元戎復在斯門開都護
府兵動羽林兒黠虜多翻覆謀臣有別離智同天所
授恩共日相隨漢使開窻幕胡笳送酒卮風霜迎馬
首雨雪事魚麗上策應無戰深情屬載馳不應行萬
里明主寄安危

象字緯卿劉夢得紀其文云公始以章句振起於開
元中與王維崔顯比肩驤首鼓行於時妍詞一發樂
府傳貴由前進士補秘書郎轉右衛倉曹掾丞相曲
江公方執文衡揣摩後進得公深器之擢為左補闕

河南府司錄司勳員外郎名盛氣高少所罕下為飛
語所中左遷齊汾鄭三郡司馬入為膳部員外郎大
盜起幽陵入洛師執公脅之從伍中謫果州長史又
貶永州司戶移吉州長史詔拜主客員外郎道病留
武昌遂不起故相崔大傅時為右史方作鄂以文誌
其墓其詞曰噫公妙年有聲振耀當代翱翔雲路不
虞矰繳盛名先物易生疵癘三至郎省坐成遺老躡
蹬江皋栖栖沒齒見知者恨之

閩防

百丈谿新理茅茨讀書云浪迹棄人世還山自幽獨

始傍巢由蹤吾其獲心曲荒庭何所有老樹半空腹
秋蛩鳴北林暮鳥穿我屋栖遲樂遵渚恬曠寡所欲
開卦推盈虛散帙攻節目養閑廢人事達命知知足
不學東國儒俟時勞伐輻

防與薛據在終南山豐得寺讀書蘇州有城中卧

疾和閻薛二子屢從已令飲詩云車車一馬日蕭蕭

胡不住一作我廬方來從今飲卧病獨何如秋風起

漢江一作臯開戶望平蕪即此恠一作音素表焉知

中密踈渴者不思火寒者不求水人生羈寓一作時

去就當如此猶希心異跡一作從利迹異眷眷存終始

防在開元天寶間有文稱岑參孟浩然韋蘇州有贈
童然不知得罪謫長沙之故也

商璠云防爲人好古博雅其詩警策語多真素至如
荒庭何所有老樹半空腹又若熊楷庭中樹龍蒸棟
裏雲皎然信也

秋晚石門禮佛云輕策凌絕壁招提謁金仙舟車無
由徑嵯嶠乃屬天躑躅淹興景夷猶望新絃石門變
暝色谷口生人煙陽鴈叫平楚湫風急寒川馳暉苦
代謝浮脆躉貞堅未欲卧丘壑息心依梵筵誓將歷
劫願無以外物牽

宿岫道人精舍云早歲參道風放情已寥豁重息知
心侶遂果巖中諾歛跡辭人間杜門守寂寞秋風剪
蘭蕙霜氣冷涼壑山牖見燃燈竹房聞擣藥願言捨
塵事所趣非龍蠖

夕次鹿門山云龐公嘉遁所浪跡難追攀浮舟暝始
至抱杖聊自閑雙巖開鹿門百谷集珠灣噴薄湍上
水春容漂裏山焦原足險峻梁壑未成艱我行自春
仲夏鳥語綿蠻黃草色已晚客心殊未還遠遊非避
地訪道愛童顏安能徇機巧爭奪錐刀間
與求樂諸官夜泛黃河云煙深載酒入但覺暮川虛

映水見山火鳴榔聞夜漁愛茲川上趣忽與世人疎
無假燃官燭中流有望舒

孟浩然湘中旅泊寄防云桂水通百粵扁舟期曉發
荆雲閉三邑夕望不見家襄王夢行雨才子謫長沙
長沙饒瘴癘胡爲久留滯久別思歡顏承歡懷接袂
接袂杳無由徒增旅泊愁清猿不可聽公月上湘流

王季友

古塞曲云進軍飛狐北窮寇勢將變日落沙塵昏昔
河更一戰駢馬黃金勒彫弓白羽箭射殺左賢王歸
奏未央殿欲言塞下事天子不召見東出咸陽門哀

哀淚如霰

觀于舍人壁畫山水云野人宿在人家少朝見此山
謂山曉半壁仍樓嶺上雲開簾放出湖中鳥獨坐長
松是阿誰再三招手起來遲于公大笑向子說小弟
丹青能爾爲

還山留別長安知己云出山不見家還山見家在山
前是門前此去長樵採青溪誰招隱白髮自相待唯
伴澗底松依依色不改

宿東溪李十五山亭云上山下山入溪谷溪中落日
留我宿栢樹依依當主人主人不在情亦是花石出

唐紀卷七十一
地兩重階絕頂平天一小齋本意猶來是山水何用相逢憶舊懷

寄韋子春云出山秋雲曙山水已再春食我山中藥不憶山中人山中誰余密白髮惟相親雀鼠晝夜無知我厨廩貧依依北舍松不厭吾南隣有情盡棄捐土石爲同身

子美爲季友作可歎行云近者抉眼去其夫河東女兒身姓柳丈夫正色動引經鄴城客子王季友豫章太守高帝孫引爲賓客敬頗久時危可拔真豪傑二人得置君側否

商璠云季友詩放蕩愛奇務險遠出常情之外然而白首短褐良可悲手至如觀于舍人西亭壁畫山水云野人宿在人家少朝見此山謂山曉半壁仍栖嶺上雲開簾放出湖中鳥甚有新意也

季友肅代間詩人也錢考功起有贈季友赴洪州幕下詩云列郡皆用武南征所從誰諸侯重才略見子如瓊枝乃知季友曾遊江西之幕

郎士元酬季友半日村別業兼呈李明府云村映寒原日已斜煙生密竹早歸鴉長溪南路當群岫半景東鄰照數家門通小徑連芳草馬飲東泉踏淺沙欲

待主人林上月還思潘令縣中花

岑參潼關使院懷王七季友云王生今才人時輩咸
所仰何當見顏色終日勞夢想驅車到關下欲往阻
河廣滿目徒春華思君罷心想開門見太華朝日映
高掌忽齊蓮華峰別來更如長無心願微祿有意在
獨往不負林中期終當出塵網

楊賁

賁時典詩云貴人昔未貴咸願顧寒微及自登樞要
何曾問布衣平明登紫閣日晏下彤闈擾擾路傍子
無勞歌是非

晉登天寶三年第

張陵

今日漢家探使回蟻壘胡兵來未歇春風渭水不敢
流總作六軍心上血

陵天寶間詩人也

王之渙

九日送別云蒹庭蕭索故人稀何處登高且送歸今
日暫同芳菊酒明朝應作斷蓬飛

出塞詩云黃沙直上白雲間一片孤城萬仞山羌笛
何須怨楊柳春光不過玉門關

唐紀卷七
登鶴鵲樓云白日依山盡黃河入海流欲窮千里目
更上一重樓

之渙并州人與兄之咸之皆皆有文天寶間人樂天
作滁州刺史鄭即墓誌云與王昌齡王之渙崔國輔
聯唱迭和名動一時

送別云楊柳東門樹青青夾御河近來攀折苦應為
別離多

李陽冰

陽冰阮客舊居詩云阮客身何在僊雲洞口橫人間
不到處今日此中行阮客縉雲之隱者也

陽冰善篆嘗宰當塗太白依之

蘇渙

渙有變律詩云日月東西行照在大荒北其中有燭
龍靈恠人莫測閉目為晨暉閉目為夜色一開復一
閉明晦無休息居然六合內曠哉天地德天地且不
言世人強喧喧

毒蜂成一窠高掛惡木枝行人百步外目動魂亦飛
長安大道旁挾彈誰家兒右手持金丸引滿無所疑
一中紛下來勢若風雲隨身如萬箭攢宛轉迷所之
徒有疾惡心奈何不知機

養蚕爲素絲葉盡蚕不老傾筐對空林此意向誰道
一女不得織萬夫受其寒一夫不得意四海行路難
禍亦不在大福亦不在先世路險孟門吾徒當勉旃
杜子美有聽蘇大侍御誦詩之作

高仲武云渙本不平者善攻白犖巴人號曰白跣實
人患之以比莊躄後自知非乃變節從學鄉賦擢第
廷御史佐湖南使崔中丞權幕崔遇害渙遂踰嶺扇
動哥舒晃跋扈交廣此猶蛟龍見血本質彰矣五年
作變律詩十九首上廣州連率李公其意可歎答曰
漢策紀蒯通說詞皇史錄祖君彥書檄此本所以容

納天善惡必書春秋顯訓名言渙者其殆庶幾乎豈
但不棄彫蠱亦以深懲戒餘子也
渙以哥舒叛伏誅

劉長卿

字文房至監察御史以檢校祠部員外郎爲轉運使
判官知淮南鄂岳轉運留後鄂岳觀察使吳仲孺誣
奏貶潘州南巴尉會省有爲之辨者除睦州司馬終隋
州刺史以詩馳聲上元寶應間皇甫湜云詩未有劉
長卿一句已呼宋玉爲老兵矣語未有駱賓王一字
已罵宋玉爲罪人矣其名重如此

李嘉祐入睦州分水路憶長卿詩云北關忤明主南
方隨白雲公河難草色應接海鷗群建德潮已盡新
安江又分回看巖子瀨朗詠謝安文雨過暮山碧猿
吟秋日曛吳洲不可到刷髮爲思君

高仲武云長卿負外有吏幹而犯上兩度廷謫皆自
取之詩體雖不新奇甚能鍊飾十首已上語意稍同
於落句尤甚此奇思銳穿也然春風吳草綠古木剡
山深明日滄州路歸雲不可尋又沙鷗驚小吏明月
上高枝又細雨濕衣看不見閑花落地聽無聲裁長
補短盡王微之類歟又得罪風霜苦全生天地仁傷

而不怨亦足以發揮風雅矣

過張明府別業云寥寥東郭外白首一先生考滿孤
琴在家移五柳成夕陽臨水釣春雨向田耕終日空
林下何人識此情

餘干旅舍云遙落暮天迥青楓霜葉稀孤城向水閉
獨鳥背人飛渡口月初上鄰家漁未歸鄉心正欲絕
何處搗寒衣

送鄭公歸廬山云潯陽數畝宅歸卧掩柴關谷口何
人在門前秋草閑無機買藥罷不語杖藜還舊筍成
寒竹空齋回暮山水流過舍下雲去到人間桂樹花

應發因行寄一攀

自過張明府別業三篇
姚合取為極元集

負譴後題于越亭云南天愁望絕亭上柳條新落日
獨歸鳥孤舟何處人生涯投嶺微世業陷邊塵江入
千峰暮花連百越春秦臺憐白首楚水怨青蘋草色
無征路鶯聲傍逐臣獨醒翻取笑直道不容身得罪
風霜苦全生天地仁青山數行淚滄海一窮鱗流落
誰相見空憐鷗鷺親楊大年最喜此篇

同郭參謀題崔令公庭竹云不學媚清瀾能依上將
壇蒙龍佞冕過青菑卷簾看得地移根速經霜抱節
難開花成鳳實嫩筍長漁竿藹藹軍容靜蕭蕭郡宇

寬細音和角暮踈影上門寒阮巷何人在梁園幾處
殘空餘軒屏側歲晚對任安

送朱山人越中賊退後歸山云越中初戰罷江上送
歸撓南渡無來信西陵自落潮空城垂故柳舊葉發
春苗間里稀相見鶯花共寂寥

送張扈司直歸越中云時危身赴難事往任浮沉萬
里三江客孤城百戰心春風吳草綠古木剡山深明
日滄洲路歸飛不可尋

陪鄭中丞園林宴諸姪云心遠親魚鳥功成厭鼓鼙
林中阮家醉池上謝公題門徑蒼苔合窻陰綠篠佞

夕陽山何背秋草水東西舊架懸藤老踈籬掙檜齊
風塵不可到唯羨武陵溪

送駱少府云汀洲芳草綠日暮更氛氳舊國無來信
春江獨送君五言凌白雪六翮向青雲空自無機事
沙鷗已可群

送李中丞之襄州云流落征南將曾驅十萬師罷歸
無舊業老去戀明時獨立三朝盛輕生一劍知茫茫
江漢上日暮欲何之

送嚴士元云春風倚棹闔城水國猶寒陰復晴細
雨濕衣者不見閑花落地聽無聲日斜江上孤帆影

草綠湖南萬里程東道若逢相識問青袍今已誤儒生

章八元

八元題慈恩塔云十層突兀在虛空四十門開面面
風却恠鳥飛平地上自驚人譖半天中迴梯暗踏如
穿洞絕頂初攀似出籠落日鳳城佳氣合滿城春樹
雨濛濛或云元白見其詩云不謂嚴維出此弟子

八元歸桐廬舊居寄嚴長史云昨辭天子棹歸舟家
在桐廬憶舊丘三月暖時花競發兩溪分處水爭流
近聞江老傳鄉語遙見家山減旅愁或在醉中逢夜
雪懷賢應向剡川遊

酬劉長卿月夜云夜涼河漢白卷箔出南軒過月鴻
爭遠辭枝葉暗翻獨謠聞麗曲緩步接清言宣室思

前席行看拜主恩

劉云貧家唯好
月空愧子猷過

韋蘇州送八元擢第往上都應制云決勝文場戰已
酣行應辟命復才堪旅食不辭遊闕下春衣未換報
江南天邊宿鳥生歸思關外晴山滿夕嵐立馬欲從
何處別都門楊柳正毵毵

高仲武云八元嘗於郵亭偶題數句蓋激楚元以辭
家維大異之遂親指喻數年克賦擢第至如雪晴山
脊見沙淺浪痕交得山水狀貌也

八元睦州人登大曆進士第

八元新安江行詩云江源南去水野渡暫維梢古戍
懸魚網空林露鳥巢雪晴山脊見沙淺浪痕交自笑
無媒者逢人即解嘲

寄苗員外云舊宅平津邸槐陰接漢宮鳴騶馳道上
見月直廬中白雪歌偏麗青雲官早通悠悠天一縫
千里恨清風

李穆

劉長卿之婿也詩寄劉云處處雲山無盡時桐廬南
望轉參差舟人莫道新安近欲上潺湲行自遲

時劉
在新

安劉荅云孤舟相訪至天涯萬轉雲山路更賒欲掃柴門迎客遠青苔黃葉滿貧家

長卿又送穆詩云渡口發梅花山中動泉脉蕪城春草生君作揚州客鴈還空渚在人去落湖翻臨水獨

揮手殘陽歸掩門

狎鷗携稚子釣魚終老身慙慙囑歸客莫話桃源人

荳應物

周道遙公負之後待價生令儀令儀生壘壘生應物其詩言天寶時扈從遊幸事疑為三衛永泰中任洛陽永京兆府功曹天曆十四年自扈縣令制除櫟陽

令以疾辭不就建中二年由北部外郎出刺滁州改刺江州追赴闕改左司郎中正元初歷蕪州罷守富蘓臺未定精舍

李肇國史補云開元後位卑而著名李北海王江

寧昌齡李館陶鄭廣文度元魯山德秀蕭功曹頴士

張長史旭獨孤常州及崔北部 梁補闕蕭韋蘓

州其一也應物仕官本末似止於蘓案白傳蕪州荅

劉禹錫詩云敢有文章替左司謂應物也官稱亦此

郡齋雨中與諸文士燕集詩云兵衛森畫戟宴寢凝

清香海上風雨至逍遙池閣涼煩痾近一作消散嘉

賓復滿堂自歎居處宗未覩斯民康理會是非遣性
 達形迹忘鮮肥屬時禁蔬果幸見嘗俯飲一杯酒仰
 聆金玉章神歡體自輕意欲凌風翔一作雲吳中盛文
 史群彥今汪洋方知大藩地一作豈曰財賦強
 應物性高潔所在焚香掃地而坐惟顧况劉長卿丘
 卅秦系皎然之儔得廁賓列與之酬唱樂天吳郡詩
 石記獨書兵衛森畫戟宴寢凝清香劉太真與韋書
 云顧著作來况也以足下郡齋燕集相示是何情致
 暢茂逍逸如此宋齊間沈謝吳何始精於理意然緣
 情體物備詩人之旨後之傳者甚失其源惟足下制

其橫流師摯之始關雎之亂於足下之文見之矣

故人重九日求橘戲贈云憐君獨坐思新橘始摘猶

酸亦未黃書後欲題三百顆洞庭須待滿林霜

樂天與元九書云近歲韋蘓州歌行才麗之外頗近

興諷其五言詩又高雅閑澹自成一家之體今之秉

筆者誰能及之然當蘇州在時人亦未甚愛重必待

身後然後貴之

欲持一瓢酒遠寄風雨夕句萬籟自生聽大空常寂

寥遠從靜中起却向靜中銷韻山深松子落幽人應

未眠句舟泊南池雨簾捲北樓風句右張為取作主

客圖

應物寄全椒山中道士云今朝郡齋冷忽念山中客
澗底東荆薪歸來煮白石欲持一瓢酒遠寄風雨夕
落葉遍空山何處尋行跡

應物郡齋雨中燕集顧况和詩云好鳥集嘉樹飛雨
灑高城况與數君子列坐分兩楹文雅一何麗林堂
含餘清我公未歸朝遊子不待情白雲帝鄉遠滄江
桃葉鳴拜手欲無言零淚如酒傾寸心已摧折別離
方骨驚安得凌風翰蕭蕭宿天京時况左迂饒州司
士參軍故寓意於詩

朱放一作做

剡溪行寄新別二潺湲寒溪上自此成離別回首望
歸人移舟逢暮雪頻行識草樹漸老傷年髮唯有白
雲心爲向東山月

九日陪劉中丞宴送客云獨坐三臺妙重陽自越間
水心觀遠俗霜氣入秋山不棄遺簪舊寧辭落帽還
仍聞西上客咫尺謁天顏

九日與楊凝崔淑期登山上有故不往云欲從携
手登高去一到門前意已無那得更將頭上髮學他
年少插茱萸

山中聽子規云幽人自愛山中宿又近葛洪丹井西
窓中有箇長松樹半夜子規來上啼

亂後經淮陰岼云荒村古岼誰家在野水浮雲處處
愁唯有河邊衰柳樹蟬聲相送到揚州

剡山夜月六言云月在沃州山上人歸剡縣溪邊
漠黃花覆水時時白鷺驚船

銅雀妓云恨唱歌聲咽愁翻舞袖遲西陵日欲暮是
妾斷腸時

經故賀賓客鏡湖道觀云已得歸鄉裏逍遙一外臣
那隨游水去不待鏡湖春雪裏登山屐林間鹿酒巾

空餘道士觀誰是學仙人

放字長通襄州人隱居剡溪嗣曹王皇鎮江西辟節
度參謀正元中召為左拾遺不就

送張山人云知君住處足風煙古寺荒村在眼前便
欲移家逐君去唯愁未有買山錢

送著公歸越云誰能愁此別到越會相逢長憶雲門
寺門前千萬峰石床埋積雪山路倒枯松莫學白道
士無人知去蹤

戴叔倫早行寄放云山曉旅人去天高愁氣悲明河
川上沒芳草露中滋此別又萬里少年能幾時心知

剡溪路聊且寄前期

放峇陸遭云松葉堪爲酒春來釀幾多不辭山路遠
踏雪也相過

毗陵留別云別離非一處此處取傷情白髮將青草
相隨日日生

遊石澗寺云聞道幽深石澗寺不逢流水亦難知莫
道山僧無伴侶猢猻長在古松枝

顧况贈放云野客歸時無四鄰黔婁別久按常貧漁
樵舊路不堪入何處空山猶有人

嚴維贈放云昔年居漢水日醉習家池道勝跡長在

名高身不知欲依天目住新自始寧移生事曾無長
唯將白接籬

孫逖

逖河南人年十五崔齊公日用試上火爐賦援翰立
成甫冠三擅甲科吏侍王丘試竹簾賦降階約拜待
以殊禮其典誥也宰相張九齡掎摭疵瑕沉吟久之
不能易一字公除庶子苑咸譚曰西掖掌綸朝推無
對張說命二子施伯仲之禮江夏李邕自陳州入計
繕錄其集詣公託知己之分可謂人文之宗師國風
之哲匠也

已上顏真逖終刑部侍郎
卿序其文

唐詩卷十九
和登會稽山云稽山碧湖上勢入東溟盡煙景晝清
明九峰爭隱嶙望中厭朱紱俗內探玄牝野老聽鳴
騶山童擁竹軫仙花寒未落古蔓柔堪引竹澗入山
多松岨向天近雲從海天去日就江村隕能賦丘嘗
聞和歌冬不敏冥搜信冲漠多士期標準願奉濯纓
心長謠入招隱

奉和左司負外自洛使入京中路先赴長安逢立春
日贈韋侍郎等諸公云拜即登省闈奉使馳車乘遙
瞻使者星便是郎官應臺妙時放言皇華德弥稱二
陝聽風謠三秦望形勝此中睽友益是日多詩興寒

盡歲陰催春歸日華證

忽覩雲間數鴈迴更逢山上花正開河邊淑氣迎芳
草林下輕風待落梅秋憲府中高唱入春卿署裏和
聲來共言東閣招賢地自有西征謝傅才

楊子江樓去楊子何年邑雄雄作禁關江連二妃渚
雲近八公山驛道青桃外人煙綠嶼間晚來潮正滿
數處落帆還

李紆

字仲舒大曆初李李卿薦爲左補闕德宗時終更侍
李嘉祐有元日無衣冠入朝詩寄再從弟補闕紆



獨孤及見元載求正字元知其所欲迎謂曰誰堪制
詰及心知不我與乃薦紆時楊炎在閣下忌及故也
李嘉祐自蘇臺至望亭驛人家盡空春物增思悵然
有作寄從弟紆云南浦菰蔞覆白蘋東吳黎庶逐黃
巾野棠自發空流水江燕初歸不見人遠樹依依如
送客平田渺渺獨傷春那堪迴首長沙苑烽火年年
報虜塵

戴叔倫寄中書李舍人紆云萍翻蓬自卷不共本心
期復入重城裏頻看百草滋水流歸思遠花發長年
悲盡日春風起無人見此時

畢燿

與獨孤常州唱和嘗贈常州云洪爐無火停日月速
如飛忽然衝人身飲酒不須疑常州後寄燿云別時
前盟在寸景莫自擲心與白日鬪十無一滿百寓形
薪火內甘作天地客與物無疎親斗酒勝竹帛
燿與杜子美友善子美贈畢四燿詩云才大令詩伯
家貧苦宦卑又喜燿除監察詩云大雅何寥闕斯人
尚典刑交期余潦倒材力爾精靈其推重如此

唐詩紀事卷第二十六



月系老十六

